

中央檔案館整理

南齊書

評點二十四史

第七卷 南齊書 梁書 陳書

中國檔案出版社

南齊書



藏板
同治八年孟秋

南齊書序

南齊書八紀十一志四十列傳合五十九篇梁蕭子顯撰始江淹已爲十志沈約又爲齊紀而子顯自表武帝別爲此書臣等因校正其訛謬而敘其篇目曰將以是非得失興壞理亂之故而爲法戒則必得其所託而後能傳於久此史之所以作也然而所託不得其人則或失其意或亂其實或析理之不通或設辭之不善故雖有殊功懿德非常之迹將聞而不章鬱而不發而禱枕鬼瑣姦回凶慝之形可幸而掩也嘗試論之古之所謂良史者其明必足以周萬事之理其道必足以適天下之用其智必足以通難知之意其文必足以發難顯之情然後其任可得而稱也何以知其然邪昔者唐虞有神明之性有微妙之德使由之者不能知知之者不能名以爲治天下之本號令之所布法度之所設其言至約其體至備以爲治天下之具而爲二典者推而明之所記者豈獨其迹邪并與其深微之意而傳之小大精粗無不盡也本末先後無不白也使誦其說者如出乎其時求其指者如卽乎其人是可不謂明足以周萬事之理道足以適天下之用智足以通難知之意文足以發難顯之情者乎則方是之時豈特任政者皆天下之

士哉蓋執簡操筆而隨者亦皆聖人之徒也兩漢以來
爲史者去之遠矣司馬遷從五帝三王既歿數千載之
後秦火之餘因散絕殘脫之經以及傳記百家之說區
區掇拾以集著其善惡之迹與廢之端又創己意以爲
本紀世家八書列傳之文斯亦可謂奇矣然而蔽害天
下之聖法是非顛倒而承摭謬亂者亦豈少哉是豈可
不謂明不足以周萬事之理道不足以適天下之用智
不足以通難知之意文不足以發難顯之情者乎夫自
三代以後爲史者如遷之文亦不可不謂雋偉拔出之
材非常之士也然顧以謂明不足以周萬事之理道不

南齊書序

二

足以適天下之用智不足以通難知之意文不足以發
難顯之情者何哉蓋聖賢之高致遷固有不能純達其
情而見之於後者矣故不得而與之也遷之得失如此
況其他邪至於宋齊梁陳後魏後周之書蓋無以讓爲
也子顯之於斯文喜自馳騁其更改破析刻彫藻績之
變尤多而其文益下豈夫材固不可以強而有邪數世
之史既然故其事迹曖昧雖有隨世以就功名之君相
與合謀之臣未有赫然得傾動天下之耳目播天下之
口者也而一時偷奪傾危悖理反義之人亦幸而不暴
著於世豈非所託不得其人故邪可不惜哉蓋史者所

以明夫治天下之道也故爲之者亦必天下之材然後
其任可得而稱也豈可忽哉豈可忽哉臣忝臣賈臣臣
穆臣藻臣洙臣覺臣彥若臣鞏謹敘目錄昧死上

南齊書序

三

南齊書目錄	梁	蕭	子	顯	撰
凡五十九卷					
本紀八卷					
志一十一卷					
列傳四十卷					
南齊書卷一					
本紀第一					
高帝上	姓蕭氏	諱道成			
南齊書卷二					
本紀第二					
高帝下					
南齊書卷三					
本紀第三					
武帝	諱順				
南齊書卷四					
本紀第四					
鬱林王	諱昭業				
南齊書卷五					
本紀第五					

海陵王	諱昭文
南齊書卷六	
本紀第六	
明帝	諱鸞
南齊書卷七	
本紀第七	
東昏侯	諱寶卷
南齊書卷八	
本紀第八	
和帝	諱融
南齊書卷九	
志第一	
禮上	
南齊書卷十	
志第二	
禮下	
南齊書卷十一	
志第三	
樂	
南齊書卷十二	

志第四

天文上

南齊書卷十三

志第五

天文下

南齊書卷十四

志第六

州郡上

南齊書卷十五

志第七

州郡下

南齊書卷十六

志第八

百官

南齊書卷十七

志第九

輿服

南齊書卷十八

志第十

祥瑞

南齊書目錄

三

南齊書卷十九

志第十一

五行

南齊書卷二十

列傳第一

皇后

宣孝陳皇后

高昭劉皇后

武穆裴皇后

文安王皇后

鬱林王何妃

海陵王王妃

明敬劉皇后

東昏褚皇后

和帝王皇后

南齊書目錄

四

南齊書卷二十一

列傳第二

文惠太子

南齊書卷二十二

列傳第三

豫章文獻王嶷

南齊書卷二十三

列傳第四

褚淵弟澄

徐嗣

王儉

南齊書卷二十四	
列傳第五	張瓌
柳世隆	
南齊書卷二十五	
列傳第六	張敬兒
垣崇祖	
南齊書卷二十六	
列傳第七	陳顯達
王敬則	
南齊書卷二十七	
列傳第八	李安民
劉懷珍	
王玄載 弟玄邁	
南齊書卷二十八	
列傳第九	劉善明
崔祖思	
蘇侃	垣榮祖
南齊書卷二十九	
列傳第十	
呂安國 全景文	周山圖

南齊書卷三十	周盤龍	王廣之
列傳第十一		
薛淵	戴僧靜	
桓康	焦度	
曹虎		
南齊書卷三十一		
列傳第十二		
江謐	荀伯玉	
南齊書卷三十二		
列傳第十三		
王琨	張岱	
褚炫	何戢	
王延之	阮縉	
南齊書卷三十三		
列傳第十四		
王僧虔	張緒	
南齊書卷三十四		
列傳第十五		
虞玩之	劉休	

沈冲	庾杲之
王謙	
南齊書卷三十五	
列傳第十六	
高祖十二王	
臨川獻王映	長沙威王晃
武臨昭王基	安成恭王勰
鄱陽王鏘	桂陽王鐸
始興簡王鑑	江夏王鋒
南平王銳	宜都王鏗
南齊書目錄	
晉熙王鉞	河東王鉉
南齊書卷三十六	
列傳第十七	
謝超宗	劉詳
南齊書卷三十七	
列傳第十八	
劉悛	劉悛
到揭	胡諧之
庾儵	
南齊書卷三十八	
列傳第十九	

蕭景先	蕭赤谷 子頴甫
南齊書卷三十九	
列傳第二十	
劉歊 弟璉	陸澄
南齊書卷四十	
列傳第二十一	
武帝十七王	
竟陵文宣王子良 子昭甫	
廬陵王子卿	魚復侯子響
安陸王子敬	晉安王子懋
南齊書目錄	
隨郡王子隆	建安王子真
西陽王子明	南海王子罕
巴陵王子倫	邵陵王子貞
臨賀王子岳	西陽王子文
衡陽王子峻	南康王子琳
湘東王子建	南郡王子夏
南齊書卷四十一	
列傳第二十二	
張融	周顒
南齊書卷四十二	

列傳第二十三	王晏	蕭詵
	蕭坦之	江祐
南齊書卷四十三		
列傳第二十四	江敬	何昌寓
	謝謐	王思遠
南齊書卷四十四		
列傳第二十五	徐孝嗣	沈文季
		九
南齊書卷四十五		
列傳第二十六	宗室	
	衡陽元王道度	
	始安貞王道生	遙光 遙欣
	安陸昭王緬	
南齊書卷四十六		
列傳第二十七	王秀之	王慈
	蔡約	陸慧曉 顧惠之

南齊書卷四十七	蕭惠基	
列傳第二十八		
	王融	謝朓
南齊書卷四十八		
列傳第二十九	袁象	孔稚珪
	劉綸	
南齊書卷四十九		
列傳第三十	王奐 從弟 王奐	張沖
		十
南齊書卷五十		
列傳第三十一	文二王	
	巴陵王昭秀	桂陽王昭粲
	明七王	
	巴陵隱王寶義	江夏王寶立
	廬陵王寶源	郢陽王寶寅
	邵陵王寶攸	晉熙王寶嵩
	桂陽王寶貞	

南齊書卷五十一

列傳第三十二

裴叔業

張欣泰

崔慧景

南齊書卷五十二

列傳第三十三

文學

丘靈鞠

檀超

卞彬

丘巨源

王智深

陸厥

南齊書目錄

十一

崔慰祖

王邃之

祖沖之

賈淵

南齊書卷五十三

列傳第三十四

良政

傅琰

虞愿

劉懷慰

裴昭明

沈憲

李珪之

孔琇之

南齊書卷五十四

列傳第三十五

高逸

褚伯玉

明僧紹

顧歡

臧榮緒

何求

劉蚪

庾易

宗測

杜京產

沈麟士

吳苞

徐伯珍

南齊書卷五十五

列傳第三十六

南齊書目錄

十二

孝義

崔懷慎

公孫僧遠

吳欣之

韓孫伯

孫淡

華寶

韓靈敏

封延伯

吳達之

王文殊

朱謙之

蕭徽明

樂頤

江泌

杜栖

陸絳

南齊書卷五十六

列傳第三十七

倖臣

紀僧真

劉係宗

茹法亮

呂文顯

呂文度

南齊書卷五十七

列傳第三十八

魏虜

南齊書卷五十八

列傳第三十九

南齊書目錄

士

繼

東南夷

南齊書卷五十九

列傳第四十

芮芮虜

河南氏羌

南齊書目錄

南齊書卷一

梁 蕭 子 顯 撰

本紀第一

高帝上

太祖高皇帝諱道成字紹伯姓蕭氏小諱闕將漢相國蕭何二十四世孫也何子鄴定侯延生侍中彪彪生公府掾章章生皓皓生仰仰生御史大夫望之望之生光祿大夫育育生御史中丞紹紹生光祿勳閔閔生濟陰太守闕闕生吳郡太守永承生中山相苞苞生博士周周生蛇邱長矯矯生州從事達達生孝廉休休生廣陵

南齊書卷一 本紀

一

府丞豹豹生太中大夫裔裔生淮陰令整整生即即令僞僞生輔國參軍樂子宋昇明二年九月贈太常生皇考蕭何居沛侍中彪免官居東海蘭陵縣中都鄉中都里晉元康元年分東海爲蘭陵郡中朝亂淮陰令整字公齊過江居晉陵武進縣之東城里寓居江左者皆僞置本土加以南名於是爲南蘭陵蘭陵人也皇考諱承之字嗣伯少有大志才力過人宗人丹陽尹攀之北兖州刺史源之竝見知重初爲建威府參軍義熙中蜀賊譙縱初平皇考遷揚武將軍安固汶山二郡太守善於綏撫元嘉初徙爲武烈將軍濟南太守七年右將軍到

彥之北伐大敗虜乘勝破青部諸郡國別帥安平公乙旃眷寇濟南皇考率數百人拒戰退之虜衆大集皇考使僱兵開城門衆諫曰賊衆我寡何輕敵之甚皇考曰今日懸守窮城事已危急若復示弱必爲所屠惟當見疆待之耳虜疑有伏兵遂引去青州刺史蕭思話欲委鎮保險皇考固諫不從思話失據潰走明年征南大將軍檀道濟於壽張轉戰班師滑臺陷沒兗州刺史竺靈秀抵罪宋文帝以皇考有全城之功手書與都督長沙王義欣曰承之理民直亦不在武幹後今擬爲兗州刺史檀征南詳之皇考與道濟無素故事遂寢還輔國鎮

南齊書卷一 本紀一

二

北中兵參軍員外郎十年蕭思話爲梁州刺史皇考爲其橫野府司馬漢中太守氏帥楊難當寇漢川梁州刺史甄法護棄城走思話至襄陽不進皇考輕軍前行攻氏僞魏興太守薛健於黃金山尅之黃金山張魯舊戍南接漢川北枕驛道險固之極健旣潰散皇考即據之氏僞梁秦二州刺史趙溫先據州城聞皇考至退據小城薛健退屯下桃城立柴營皇考引軍與對壘相去二里健與僞蜀郡太守蒲早子悉力出戰皇考大破之健等閉營自守不敢出思話繼至賊乃稍退皇考進至峨公山爲左衛將軍沙州刺史呂平大衆所圍積日建武

將軍蕭汪之平西督護段蚪等至表裏奮擊大破之難當又遣息和領步騎萬餘人夾漢水兩岸援趙溫攻逼皇考相拒四十餘日賊皆衣犀甲刀箭不能傷皇考命軍中斷梁長數尺以大斧掘其後賊不能當乃焚營退皇考追至南城衆軍自後而進連戰皆捷梁州平詔曰承之稟命先驅蒙險深入全軍屢剋奮其忠果可能驥將軍隨府轉寧朔司馬太守如故人爲太子屯騎校尉文帝以平氏之勞青州缺將欲授用彭城王義康秉政皇考不附乃轉爲江夏王司徒中兵參軍龍驤將軍南泰山太守封晉興縣五等男邑三百四十戶遷右軍將

南齊書卷一 本紀一

三

軍元嘉二十四年殂年六十四梁士民思之於峨公山立廟祭祀昇明二年贈散騎常侍金紫光祿大夫太祖以元嘉四年丁卯歲生姿表英異龍顏鍾聲麟文溫體儒士雷次宗立學於雞籠山太祖年十三受業治禮及左氏春秋十七年宋大將軍彭城王義康被黜鎮豫章皇考領兵防守太祖舍業南行十九年竟陵蠻動文帝遣太祖領偏軍討河北蠻二十一年伐索虜至巨檻山竝破走二十三年雍州刺史蕭思話鎮襄陽啓太祖自隨戍河北討樊鄧諸山蠻破其聚落初爲左軍中兵參軍二十七年索虜圍汝南戍主陳憲臺遣寧朔將軍臧

賀安蠻司馬劉康祖救之文帝使太祖宣旨授節度開
虜主拓跋燾向彭城質等回軍救援至盱眙太祖與質
別軍主胡宗之等五軍步騎數千人前驅燾已潛過淮
卒相遇於荒山下合戰敗績緣淮奔退宗之等皆陷沒
太祖還就質固守爲虜所攻圍甚危急事寧還京師二
十九年領偏軍征仇池梁州西界舊有武興成晉隆安
中沒屬氏武興西北有蘭阜成去仇池二百里梁州刺
史劉秀之遣司馬馬注助太祖攻譙城拔之虜僞河
間公奔走虜救兵至太祖軍力疲少又聞文帝崩乃燒

南齊書卷一 本紀一

四

城還南鄭襲爵晉興縣五等男孝建初除江夏王大司
馬參軍隨府轉太宰遷員外郎直閣中書舍人西陵王
撫軍參軍建康令新安王子鸞有盛寵簡選僚佐爲北
軍中郎中兵參軍陳太后憂起爲武烈將軍復爲建康
令中兵如故景和世除後軍將軍值明帝立爲右軍將
軍時四方反叛會稽太守尋陽王子房及東諸郡皆起
兵明帝加太祖輔國將軍率衆東討至晉陵與賊前鋒
將程桿孫曇躍等戰一日破賊十二壘分軍定諸縣晉
陵太守袁標棄城走東境諸城相繼奔散徐州刺史薛
安都反彭城從子索兒寇淮陰山陽太守程天祚舉城

叛徐州刺史申令孫又降徵太祖討之時太祖平陳賊
還又將南討出次新亭前軍已發而索兒自睢陵渡淮
馬步萬餘人擊殺臺軍主孫耿縱兵逼前軍張永告
急明帝聞賊渡遽追太祖往救之屯破釜索兒向鍾離
永遣寧朔將軍王寬據盱眙遏其歸路索兒擊破臺軍
主高道慶走之於石龍將西歸王寬與軍主任農夫先
據白鶴澗張永遣太祖馳督寬索兒東要擊太祖使不
得前太祖鼓行結陣直入寬壘索兒望見不敢發經數
日索兒引軍頓石梁太祖追之至葛冢候騎還云賊至
太祖乃頓軍引管分兩馬軍夾營外以待之俄頃賊馬

南齊書卷一 本紀一

五

步奄至又推火車數道攻戰相持移日乃出輕兵攻賊
西使馬軍合擊其後賊衆大敗追奔獲其器仗進屯石
梁澗北索兒夜遣千人來斫營營中驚太祖臥不起宣
令左右案部不得動須臾賊散太祖議欲於石梁西南
高地築壘通南道斷賊走路索兒果來爭之太祖率軍
擊破之賊馬自相踐藉死索兒走向鍾離太祖追至黠
黠而還除驍騎將軍封西陽縣侯邑六百戶遷巴陵王
衛軍司馬隨鎮會稽江州刺史晉安王子勛遣臨川內
史張淹自鄱陽嶠道入三吳臺軍主沈思仁與僞龍驤
將軍任皇鎮西參軍劉越緒各據險相守明帝遣太祖

領三千人討之時朝廷器甲皆充南討太祖軍容寡關乃編椶皮爲馬具裝析竹爲寄生夜舉火進軍賊望見恐懼未戰而走還除桂陽王征北司馬南東海太守行南徐州事初明帝遣張永沈攸之以衆喻降薛安都謂太祖曰吾今因此北討卿意以爲何如太祖對曰安都才識不足狡猾有餘若長轡緩御則必遣子入朝今以兵逼之彼將懼而爲計恐非國之利也帝曰東軍猛銳何往不剋卿每杖策幸勿多言安都見兵至果引索虜永等敗於彭城淮南孤弱以太祖爲假冠軍將軍持節都督北討前鋒諸軍事鎮淮陰泰始三年沈攸之吳喜

南齊書卷一 本紀一

六

北敗於睢口諸城戍大小悉奔歸虜遂退至淮北圍角城戍主賈法度力弱不敵諸將勸太祖渡岸救之太祖不許遣軍主高道慶將數百張弩浮艦淮中遙射城外虜弩一發數百箭俱去虜騎相引避之乃命建戰城圍卽解還督南兗徐二州諸軍事南兗州刺史持節假冠軍督北討如故五年進督兗青冀三州六年除黃門侍郎領越騎校尉不拜復授冠軍將軍留本任明帝常嫌太祖非人臣相而民間流言云蕭道成當爲天子明帝愈以爲疑遣冠軍將軍吳喜以三千人北使令喜留軍破釜自持銀壺酒封賜太祖太祖戎衣出門迎卽酌飲

之喜還帝意乃悅七年徵還京師部下勸勿就徵太祖曰諸卿聞於見事主上自誅諸弟爲太子稚弱作萬歲後計何關佗族惟應速發事緩必見疑今骨肉相害自非靈長之運禍難將興方與卿等戮力耳拜散騎常侍太子左衛率時世祖以功當別封賴縣太祖以一門二封固辭不受詔許之食邑二百戶明帝崩遺詔爲右衛將軍領衛尉加兵五百人與尚書令袁粲護軍褚淵領軍劉劭共掌機事又別領東北選事尋解衛尉加侍中領石頭戍軍事明帝誅戮蕃戚江州刺史桂陽王休範以人凡獲全及蒼梧王立更有窺伺覲望密與左右屬

南齊書卷一 本紀一

七

人於後堂習馳馬招聚士衆元徽二年五月舉兵於尋陽收略官民數日得士衆二萬人騎五百匹發盆口悉乘商旅船艦大雷戍主杜道欣鵠頭戍主劉魯期告變朝廷惶駭太祖與護軍褚淵征北張永領軍劉劭僕射劉秉遊擊將軍戴明寶驍騎將軍阮佃夫右軍將軍王道隆中書舍人孫千齡員外郎楊運長集中書省計議莫有言者太祖曰昔上流謀逆皆因淹緩至於覆敗休範必遠懲前失輕兵急下乘我無備今應變之術不宜念遠若偏師失律則大沮衆心宜頓新亭白下堅守宮掖東府石頭以待賊千里孤軍後無委積求戰不得自

然瓦解我請頓新亭以當其鋒征北可以見甲守白下中堂舊是置兵地領軍宜屯宣陽門爲諸軍節度諸貴安坐殿中右軍諸人不須競出我自前驅破賊必矣因索筆下議竝注同中書舍人孫千齡與休範有密契獨曰宜依舊遣軍據梁山魯顥開右衛若不出白下則應進頓南州太祖正色曰賊今已近梁山豈可得至新亭既是兵衝所以欲死報國耳常日乃可屈曲相從今不得也座起太祖顧謂劉劭曰領軍已同鄙議不可改易乃單車白服出新亭加太祖使持節都督征討諸軍平南將軍加鼓吹一部治新亭城壘未畢賊前軍已至太

南齊書卷一

本紀一

八

祖方解衣高臥以安衆心乃索白虎幡登西垣使軍朔將軍高道慶羽林監陳顯達員外郎王敬則浮舸與賊水戰自新林至赤岸大破之燒其船艦死傷甚衆賊步上新林太祖馳使報劉劭急開大小桁撥淮中船舫悉渡北岸休範乘肩輿率衆至壘南上遣宣朔將軍黃回馬軍主周盤龍將步騎出壘對陣休範分兵攻壘東短兵接戰自巳至午衆皆失色太祖曰賊雖多而亂尋破也楊運長領三齊射手七百人引彊命中故賊不得逼城未時張敬兒斬休範首太祖遣隊主陳靈寶送首還臺靈寶路中遇賊軍埋首道側臺軍不見休範首愈疑

懼賊衆亦不知休範已死別率杜黑龔急攻壘東司空主簿蕭惠朗數百人突入東門叫噪至堂下城上守門兵披退太祖挺身上馬率數百人出戰賊皆推楯而前相去數丈分兵橫射太祖引滿將發左右將戴仲緒舉楯扞之箭應手飲羽傷百餘人賊死戰不能當乃卻衆軍復得保城與黑龔拒戰自晡達明旦矢石不息其夜大雨鼓叫不復相聞將士積日不得寢食軍中馬夜驚城內亂走太祖秉燭正坐厲聲呵止之如此者數四賊帥丁文豪設伏破臺軍於阜英橋直至朱雀桁劉劭欲開桁王道隆不從劭及道隆竝戰沒初劭尚向其意託

南齊書卷一

本紀一

九

造園宅名爲東山頗忽世務太祖謂之曰將軍以顧命之重任兼內外主上春秋未幾諸王竝幼冲上流聲議遐邇所聞此是將軍艱難之日而將軍深尚從容廢省羽翼一朝事至雖悔何追動竟不納賊進至杜姥宅車騎典籤茅恬開東府納賊冠軍將軍沈懷明於石頭奔散張永潰於白下宮內傳新亭亦陷太后執蒼梧王手泣曰天下敗矣太祖遣軍主陳顯達任農夫張敬兒周盤龍等從石頭濟淮間道從承明門入衛宮闕休範既死典籤許公與詐稱休範在新亭士庶惶惑詣壘投名者千數太祖隨得輒燒之乃刻兵登城北謂曰劉休範

父子先昨皆已卽戮屍在南崗下身是蕭平南諸君善見觀君等名皆已焚除勿有懼也臺分遣衆軍擊杜姥宅宣陽門諸賊皆破平之太祖振旅凱入百姓緣道聚觀曰全國家者此公也太祖與袁粲褚淵劉秉引咎解職不許遷散騎常侍中領軍都督南兗徐兗青冀五州軍事鎮軍將軍南兗州刺史持節如故進爵爲公增邑二千戶太祖欲分其功請益粲等戶更日入直決事號爲四貴泰時有太后穰侯涇陽高陵君稱爲四貴至是乃復有焉四年加太祖尚書左僕射本官如故休範平後蒼梧王漸行凶暴南徐州刺史建平王景素少有令

南齊書卷一 本紀一

十

譽朝野歸心景素亦潛爲自全之計布款誠於太祖太祖拒而不納七月羽林監袁粲奔景素便舉兵太祖出屯玄武湖遣衆軍北討事平乃還太祖威名旣重蒼梧王深相猜忌幾加大禍陳太妃罵之曰蕭道成有功於國今若害之後誰復爲汝著力者乃止太祖密謀廢立五年七月戊子帝微行出北湖常單馬先走羽儀禁衛隨後追之於堤塘相蹈藉左右張互兒馬墜湖帝怒取馬置光明亭前自馳騎刺殺之因共屠割與左右作羌胡伎爲樂又於蠻岡賭跳毬夕乃還仁壽殿東阿甍屋中寢語左右楊玉夫伺織女度報我時殺害無常人懷

危懼玉夫與其黨陳奉伯等二十五人同謀於甍屋中取千牛刀殺蒼梧王稱敕使廂下奏伎因將首出與王敬則敬則送太祖太祖夜從承明門乘常所騎赤馬入殿內驚怖旣知蒼梧王死咸稱萬歲及太祖踐阼號此馬爲龍驤將軍世謂爲龍驤赤明日太祖戎服出殿庭槐樹下召四貴集議太祖謂劉秉曰丹陽國家重威今日之事屬有所歸秉讓不當太祖次讓袁粲粲又不受太祖乃下議備法駕詣東城迎立順帝於是長刀遮衆秉等各失色而去甲午太祖移鎮東府與袁粲褚淵劉秉各甲仗五十人人殿丙申進位侍中司空錄尚書事

南齊書卷一 本紀一

十一

驃騎大將軍持節都督刺史如故封竟陵郡公邑五千戶給油幢絡車班劍三十人太祖固辭上命卽驃騎大將軍開府儀同三司庚戌進督南徐州刺史封楊玉夫等二十五人爵邑各有差十月戊辰又進督豫司二州初荊州刺史沈攸之與太祖於景和世同直殿省申以歡好以長女義興公主妻攸之第三子元和攸之爲郢州值明帝晚運陰有異圖自郢州遷爲荊州聚斂兵力將吏逃亡輒討質鄰伍養馬至二千餘匹皆分賦戍還將士使耕田而食廩財悉充倉儲荊州作部歲送數千人仗攸之割留簿上供計四山蠻裝治戰艦數百千艘

沈之靈溪裏錢帛器械巨積朝廷畏之高道慶家在華容假還過江陵道慶素便馬攸之與宴飲於聽事前合馬渠道慶槩中破攸之馬鞍攸之怒索刀架道慶馳馬而出還都說攸之反狀請三千人襲之朝議慮其事難濟太祖又保持不許太祖既廢立遣攸之子司徒左長史元琰齋蒼梧王諸虐害器物示之攸之未得即起兵乃上表稱慶并與太祖書推功攸之有素書十數行常韜在襜褕角云是明帝與已約誓十二月遂舉兵其妾崔氏許氏諫攸之曰官年已老那不爲百口計攸之指襜褕角示之稱太后令召已下都京師恐懼乙卯太祖

南齊書卷一 本紀

三

入居朝堂命諸將西討平西將軍黃回爲都督前驅前湘州刺史王蘊太后兄子少有膽力以父藉名宦不達欲以將途自奮每撫刀曰龍淵太阿汝知我者叔父景文誠之曰阿答汝滅我門戶蘊曰答與童烏貴賤覺異童烏景文子絢小字答蘊小字也蘊遭母喪罷任還至巴陵停舟一月日與攸之密相交構時攸之未便舉兵蘊乃下達郢州世祖爲郢州長史蘊期世祖出帑因作亂據郢城世祖知之不出蘊還至東府前又期太祖出太祖又不出帑再計不行外謀愈固司徒袁粲尚書令劉秉見太祖威權稍盛慮不自安與蘊及黃回等相結

舉事殿內宿衛主帥無不協同攸之反問初至太祖往石頭與粲謀議粲稱疾不相見剋壬申夜起兵據石頭劉秉惟怯晡時從丹陽郡載婦女入石頭朝廷不知也其夜丹陽丞王遜告變秉從弟領軍韞及直閣將軍卜伯興等嚴兵爲內應太祖命王敬則於宮內誅之遣諸將攻石頭王蘊將數百精手帶甲赴紫城門已閉官軍又至乃散衆軍攻石頭斬粲劉秉走維檐湖蘊逃鬪場竝擒斬之粲位任雖重無經世之略疎放好酒步履白楊郊野閒道遇一士大夫便呼與酣飲明日此人謂被知顧到門求通粲曰昨飲酒無偶聊相要耳竟不與相

南齊書卷一 本紀

三

見嘗作五言詩云訪迹雖中宇循寄乃滄州蓋其志也劉秉少以宗室清謹見知孝武世秉弟遐坐通嫡母殷氏養女殷舌中血出衆疑行毒害孝武使秉從弟祗諷秉啓證其事秉曰行路之人尚不應爾今日適可一門同盡無容奉救衆以此稱之故爲明帝所任蒼梧廢秉出集議於路逢弟韞韞開車迎問秉曰今日之事固當歸兄邪秉曰吾等已讓領軍矣韞搥胸曰君肉中詎有血衆典籤莫嗣祖知粲謀太祖召問嗣祖袁謀反何不啓聞嗣祖曰事主義無二心雖死不敢泄也蘊嬖人張承伯藏匿蘊太祖竝赦而用之黃回頓新亭聞石頭鼓

噪率兵來赴之朱雀舡有戍軍受節度不聽夜過會石頭已平因稱救援太祖知而不言撫之愈厚遣回西上流涕告別太祖屯閭武堂馳結軍旅閏月辛丑詔假黃鉞率大衆出屯新亭中興堂治嚴築壘敎曰河南稱茲諒由掩骼廣漢流仁實存殯朽近褻製茲營崇溝浚塹古墟曩隆時有湮移深松茂草或致刊雉憑軒動懷巡陞增愴宜竝爲收改葬并設薄祀

二年正月沈攸之攻郢城不克衆潰自經死傳首京邑丙子太祖旋鎮東府二月癸未進太祖太尉增封三千戶都督南徐南兗徐青冀司豫荆雍湘鄴梁益廣越

南齊書卷一 本紀一

古

十六州諸軍事太祖解驃騎辭都督不許乃表送黃鉞三月己酉增班劍爲四十人甲仗百人入殿丙子加羽葆鼓吹餘竝如故辛卯太祖誅鎮北將軍黃回大明泰始以來相承奢侈百姓成俗太祖輔政罷御府省二尚方諸飾玩至是又上表禁民間華僞雜物不得以金銀爲箔馬乘具不得金銀度不得織成繡裙道路不得著錦履不得用紅色爲幘蓋衣服不得翦絲帛爲雜花不得以綾作雜服飾不得作鹿行錦及局脚裡柏牀牙箱籠雜物絲帛作屏幃錦緣薦席不得私作器仗不得以七寶飾樂器又諸雜漆物不得以金銀爲花獸不得輒

鑄金銅爲像皆須墨較凡十七條其中宮及諸王服用雖依舊例亦請詳衷九月丙午進位假黃鉞都督中外諸軍事太傅領揚州牧劍履上殿入朝不趨贊拜不名置左右長史司馬從事中郎掾屬各四人使持節太尉驃騎大將軍錄尚書南徐州刺史如故固辭詔遣敦勸乃受黃鉞辭殊禮甲寅給三望車

三年正月乙巳太祖表鑄百姓通負丙辰加前部羽葆鼓吹丁巳命太傅府依舊辟召丁卯給太祖甲仗五百人出入殿省甲午重申前命劍履上殿入朝不趨贊拜不名三月甲辰詔進位相國總百揆封十郡爲齊公備

南齊書卷一 本紀一

五

九錫之禮加璽紱遠遊冠位在諸侯王上加相國緣綬綬其驃騎大將軍揚州牧南徐州刺史如故太祖三讓公卿敦勸固請乃受甲寅策相國齊公曰天地變通莫大乎炎涼懸象著明莫崇乎日月嚴冬播氣貞松之操自高光景時昏若華之聯彌顯是故英睿當亂而不移忠賢臨危而盡節自景和昏虐王綱弛紊太宗受命紹開中興運屬屯難四郊多壘蕭將軍震威華戎實資義烈康國濟民於是乎在朕以不造夙罹閔凶嗣君失德書契未紀威侮五行虔劉九縣神厭靈繹海水羣飛葬器已塵宗禋誰主綴旒之殆未足爲譬豈直小宛與刺